

DESCRPTIO.

Ortum patebit 240 gradibus, hoc est, milliari-
3600. Versus Occasum vero ultra Insulas For-
tunatas patet usque ad extremam Americæ o-
ram: ita ut in longitudinem orbis terrarum
cognitus sit ad gradus 340, & desint tantum 20
gradus ad explorandum totum orbem terra-
rum ab Ortu versus Occasum. Quod ad latitudi-
nem attinet, ejus terminum veteres ponebant
in Insula Thyle, quæ utrum sit dicenda Islandia,
an Scetlandia, controversum. A recentioribus
altius itum, primo ad grad. 71, usque ad Insu-

lam Norwegiæ Hyello, paulo post à Willuceo
ad grad. 73, inde à G. Barensonio Belga ad gra-
dus 81. ita ut 9 tantum gradus restent ad Se-
ptentrionalis plagæ totam peruestigationem.
Versus Meridiem terra Veteribus vix ultra gra-
dus 17 fuit cognita, usque ad Prassum promon-
torium, ubi hodie Mosambique. Nostis usque
ad gradus 45, ad caput Bonæ spei: mox usque
ad grad. 53, ad Fretum usque Magellanicum:
& nuper usque ad grad. 57, ad promontorium
sive Cabo de Hoorn.

DE NAVIGATIONIBVS tum Veterum, tum recentiorum.



Navigationes
Veterum
versus
Occiden-
tem.

Septentrio-
nem,

Qum autem Terrarum or-
bem non terra solum sed &
vastum mare constituat,
non alienum fuerit ab hoc
loco laudes celebrare Na-
vigationum, cum Veterum,
tum recentiorum: in qua-
rum notitiam quotidie peritissimorum Navar-
chorum industria, stupentes velut ac attoniti
deducimur. Priscos enim illos mortales non
contentos suis sedibus, quæsisse & adiisse per
maria terras remotissimas docet sacra Scriptu-
ra, commemorans navigationes in Indiam non
solum Arabum, uti videre est in Iobi historia,
sed & regum tum Iudæ tum Israelis, Salomonis,
Iehosaphati, Ochoziæ, & aliorum. Nec desunt,
qui tum in Indiam Occidentalem navigatum
putant. quum lib. 2 Paralip. cap. 3, v. 6. mentio fi-
at auri Parvaim. Sic enim ibi de Salomone, *Et texit
domum lapide pretioso ad gloriam, & aurum, aurum
Parvaim.* Fit & mentio auri Ophiriani, quod
idem putant cum auro Peruviano, non inamœ-
na, ut censent, neque ingrata literarum meta-
thesi, Iob. cap. 18, 16: *Non aestimabitur cum auro
Ophir, cum Onyche pretioso & Saphiro.* Isaïæ 13, 2:
*Preciosum faciam hominem præ obryzo, & hominem præ
massa auri Ophir.* Sed quid hac de re sentiendum
sit, alibi disputandum. Testatur & antiquorum
hac in re diligentiam Strabo, notans libro pri-
mo, Homerum etiam ætate navigatum in Indiam.
Scribit Plinius lib. 2 nat. histor. cap. 67, suo tem-
pore totum Occidentem à Gadibus columnis-
que Herculis, Galliarum circuitu, navigatum:
Septentrionalem autem Oceanum majori ex
parte auspiciis Augusti usque ad Cimbrorum
promontorium; inde ad Scythicam plagam im-
mensum mare fuisse partim visum, partim fama
cognitum: ab Ortu vero ex Indico Mari partem
totam in Caspium vergentem Macedonum ar-
mis innotuisse, Seleuco & Antiocho regnanti-
bus. Circa Caspium quoque multa Oceani lit-
tora fuisse explorata: & sic totum fere Septen-
trionem hinc illinc versus Occasum & Ortum

patuisse. Addit porro, alio latere Gadium ab
eodem Occidente magnam meridiani sinus por-
tionem ambitu Mauritaniam, suo tempore navi-
gari solere: & majorem ejus partem, uti & Ori-
entis, victoriis Alexandri Magni fuisse lustratam,
usque in Arabicum sinum: Hannonem Car-
thaginensem circumvectum à Gadibus ad fi-
nem Arabiæ: contra, Eudoxum Cyzicenum,
teste Cornelio Nepote, quum Lathyrum regem
fugeret, Arabico sinu egressum Gades usque fu-
isse perductum: Calium quoque Antipatrum
refert scribere, vidisse se, qui cum mercibus iter
fecisset maritimum ex Hispania in Æthiopiam,
ac eundem Nepotem tradere, Q. Metello Cele-
ri, Galliæ proconsuli, Indos à Suevorum rege
dono datos, qui ex patria commercii causa na-
vigantes tempestatibus in Germaniam, (per O-
ceanum puta Orientalem & Septentrionalem)
fuerant abrepti.

Meridi-
em,

Orientem.

Hodie in omnes fere terrarum oras abit au-
dax Iapeti genus, non horrens mare turgidum,
aut infames scopulos. Veneti, qui primi palmam
Europæis eripuerunt, paulo supra ætatem no-
stram, mare Adriaticum ingressi, de vestique
per mediterraneum, Alexandriam usque, & hinc
terrarum aliquod spatium emensi, per sinum A-
rabicum ad Indorum populos proficisci cœpe-
runt. At cum hæc via ob Sultani Ægyptii po-
tentiam infestior mercantibus reddatur, Alep-
po celeberrimum emporium & Syriæ metro-
polim petunt: hinc terrestri ccccxxx millia-
rium itinere Bassoram: inde milliariis cc. Armu-
zam, Ormus hodie ei nomen, nobilissimum
Persiæ emporium: ubi consensu navibus per
sinum Persicum porro in quasvis Indiæ regio-
nes vehuntur. Atque hoc quidem iter, non so-
lum compendiosius est maritimo Lusitanorum
in Indiam circumnavigata Africa omni itinere,
sed & delectabilius, occurrentibus passim infi-
nitis antiquarum urbium, veterumque loco-
rum, quæ priscis historiis scriptisque nobilitata
sunt, monumentis; præter novos indies popu-
los, novosque populorum ritus. Adde & com-
modius,

Navigationes
Veterum
per
Mediterr-
aneam in
Orientem.